



Broj: T18 0 KT 0013785 19
Brčko 03.10.2019.godine

Na osnovu člana 35. stav 1. tačka h) i člana 226. stav 1. Zakona o krivičnom postupku Brčko distrikta BiH, p o d i ž e m:

OPTUŽNICU

Protiv:

MEVLIDE TADIĆ ... rođena ...1973. godine u Brčkom ...

Što je:

Dana 14.09.2019. godine u Brčkom, u naseljenom mjestu Vitanovići u porodičnoj kući L.S. koju pazi i o kojoj se brine kao starijoj osobi za naknadu, iskoristila dolazak L. kćerke iz Njemačke A.L., znajući da ista kod sebe posjeduje više novca, pa dok je A. boravila u dvorištu domaćinstva, iz njene jakne uzela ključ od zaključane spavaće sobe na spratu, u koju je ušla gdje je iz A. torbe, iz kasice u kojoj su se nalazile 3 koverte sa razvrstanim sumama novca od po 4.000 KM, 4.500 Eur-a i 2.000 Eur-a, izvadila i kod sebe sakrila 3.200 Eur-a, a potom uredno zaključala spavaću sobu i na vrijeme vratila ključ u A. jaknu, te ubrzo otišla kući, pribavivši tako sebi protivpravnu imovinsku korist za navedeni novac, da bi po prijavi događaja policiji uspjela vratiti A. 3.000 Eur-a, jer je u međuvremenu jedan dio novca potrošila na izmirenje postojećih dugova

dakle, tuđu pokretnu stvar na naročito drzak način oduzela drugome, s ciljem da njenim prisvajanjem pribavi sebi protivpravnu imovinsku korist

čime je, počinila krivično djelo – Teška krađa – iz člana 281. stav 1. tačka 2. Krivičnog zakona Brčko Distrikta BiH,

Preduzimanje radnji krivičnog gonjenja prema određenoj osobi ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica.
